

## **ՀՀ Արմավիրի մարզպետ Յամբարձում Մաթևոսյանի շնորհավորանքի խոսքը Երեխաների պաշտպանության միջազգային օրվա առթիվ**

01.06.2020

Երեխաների պաշտպանության միջազգային օրվա առթիվ շնորհավորում եմ մեր կյանքը լույսով ու ջերմությամբ լցնող, մեր օրերը գունավորող ու բովանդակող էակներին, մեր փոքրիկ բարեկամներին:

Իմ մեծագույն ցանկությունն է, որ մեր երեխաները հասակ առնեն ընտանեկան ջերմ և առողջ բարոյահոգեբանական միջավայրում՝ շրջապատված սիրով ու հոգատարությամբ:

Այս հարցում, ինչ խոսք, մեծ է յուրաքանչյուրիս դերակատարումը: Եվ մենք մեր իրավասությունների և հնարավորությունների շրջանակում պետք է անենք առավելագույնը, որպեսզի նրանք ունենան անհոգ ու երջանիկ մանկություն և, իհարկե, արժանապատիվ ապագա:

Կրկին շնորհավորելով մեր երեխաներին այս լուսառատ օրվա առթիվ՝ ցանկանում եմ, որ նրանց կյանքի յուրաքանչյուր օրը լցված լինի ուրախությամբ, իսկ ապագայի հետ կապված հեքիաթն իրականություն դառնա: